

Batakaf rupol

En gulik. « Jiomaik ke Arktika » (*Ursus maritimus*) sotir gjarotipaf nume va kretsakiraf spedol (*Pusa hispida*) tildes ok gaeleksas tic lavek rovangir. Dendason va eroyafa iniara kev oria, va kosik balier aze mo opra vere ticapter, kore aldo tir vas 80 decitgrame ok loon isen abrotce vas mon 1.50 metre ! Batakaf rupol va logijafa wivga dere gduilfur : i va lukastkiraf spedol (*Erignathus barbatus*) dis va aldo vas 200 ik 400 kg- is abrotce vas 2.50 ik 3 m-. Voxen kotviele katecta sokir, pune in vanpir awalkodatorik. Nekev granafa brucka, tir tuzapaf ise onseteson va kona wivga senyesa moe opra, va beta dampa grupimpavantar ise mekatalanon abdulani aze weivepeson vaon iper. Va kon spedol ileon tigis arte 2 ik 3 km- moe opra grutcaluter.

Batakaf rupol tir keldupus is trabiangaf koe fentunafa lava lidam moe opruk. Idulugalon viele opruk arbewer, pune va siday artpujer lize va koteca voja gimaletur, voxis jontik sebadadunol is birafi zveri. Kle dere tir ruxafamaf ! Va bat gjijaf govitol remi tanda vungelon ice kanadafa tursia oku siberiafa oku nunaatafa rokakevet. ko siday vugviele ilon abdulani, voxen arte 110 km- mal bira koe Alaska is arte 320 km- koe Sibira ixam zo trasivir, numen batocba va inafa acagisuca art solumapa wazder.

Va fentugal koe idul. Gubeon, batakaf rupol va elupkafa luva me dadir, vaxe rupolya sosuxasa va brava koe noldazuvida tori fentugal. Bata luva moe ezasa opra vols krimta ok kona ewala sometigir. Wori abica radeaca tid. Koe Nunaata, tire 70 ik 80 % ke rupoleem volkare ikra ok klaa fentugalon gelbed kotviele mutapa dur. Voxisen rupolya ware jotarsafa gu nazbalkera (trabe tisa leon balemdafa) tid keldusa dum sulemye. Ikratukruca ke rupolye koe Nunaata ba anyustda sokir. Koe Novaya Zemlya lente Rossia, walikrara wali bareaksat is anyuste-aksat dilizeed.

Abrotce : 2.00 ik 2.50 m- (is ault vas 20 cm-).
Aldo : 400 ik 1000 kg-.
Blirugaf : 33 tanda koe grolomexo.



Bat baroy rupol tid vas mon mlaf lum. Neke to gadikya is toloy ocam tid. Ban va ina fu bukad kire tid klaf vas tanda is aku. Volcum rupolye givurkese koe ruqa, yasa poke krimta sye zavzagir ise va beta me iland.



Kotca ke abduenia gitr kumafa vas tevoje ik peroye decemesetre (kene livoda) te sotir ana. Batakaf rupol va tresapaf obbakem sotir ; batocba ape tir zalera gu fent kren drosura va idul batnde zo kastad. Kijuz vas balen-can-toloya talga rular.



Fentugalafa luva ke rupolya tir vitzuafa is abrotcrafa vas mon 1.80 metre is ontinafa vas mon. Tanoye metre ise remo pler akintakoraf vas 2.00 ik 2.50 metre gu divexo levogler, i remo pler aretlayan giti sulemya. Ira daf cartaneaksat va int kolvuder aze kall tana ke balemeaksat di zavzagir. Tanoy ok toloy ok wall taneaksat is balemeaksat di kobbi.

Batakaf rupol sotir donaf pujesik, welmon ok midon. Kaleon gu 30 ik 35 deitmetre barthevon grupabdupujer. Kale 100 km- mal lipoketo oprukoo icam zo divzeyer nume vetice biraf sulem zo rotorogir. Moe xatuf tid kallem gu 4 deitmetre / bart- va int lidwer ise dace gu cujon 15 km- / bart- viele topar.

